

小重山房詩詞全集

白舫集

華亭 張祥河 詩舫

夜坐

墜果階前綠柚香  
盆荷風過夏秋涼  
兩牀絲竹夜如許  
新聘東園經布娘

七月十三日由桂林水程南下袁生石根  
送至靈川詩促之返兼謝諸同人

麻衣濺淚此東歸  
水立危灘雪亂飛  
料是心知難作別  
還珠洞口客舟圍

陳海霞桂舫孫小雨  
沈小帆全蓉舫王敬

可吳菊湖菊裳徐夢笙程紫垣余小霞  
子鴻方秋伯李春垌在還珠洞作別

邪許聲中上陡河自崖烏帽沒  
我我明朝細雨  
靈川驛米舫如何更遠過

夜泊距興安二十里

夜泊不知處千山叢莽中  
灘頭流洶洶草際氣  
濛濛環列阿羅漢周遭碧落宮  
五更涼月上始  
動素旗風

上灘

淺灘水沒胛深灘水及臍  
蓄水不退水上灘如

上梯呼風一聲動並力萬篙齊千載靈渠利餘糧畝可棲

入陡

入陡今朝第一程馬頭山山名翠客帆迎編籬障水添三尺可可潮痕與牒平

雜樹疏疏攢墨點羣山簇簇露磐頭更無鳥雀喧聲到牘有鳬鷺適性遊

萬事都從艱苦入興安而下順流行行人過陡回頭望五祖無情似有情五祖廟出陡尚在望中

# 六塘

六塘塘水練平鋪激石飛流困百夫渡外金風  
剛散鵲巢邊殘月又啼烏將深復淺灘心石已  
靜還喧汶尾蘆觸念紛來風木痛篷窗怕對沈  
家圖

藏有石出  
風木圖

## 將至全州留別壽佛寺

草把扶新竹槐根固老隄轉灘清見鷺穢穢午  
聞雞羅水程還左湘山勢欲西道人不解事要  
我叩招提

過全州觸石舟漏行滕被溼

衣襟澣取瀟湘水書畫江神一展看莫說命官  
遭水厄白雲持護得平安

零陵

又見湘江碧玉流人家始起水邊樓蒼厓白塔  
零陵道十里松風送客舟

白露橫來八月槎銜哀風木在天涯昨宵羊角  
山前宿聽得舟人去看家

挂榜山

峭壁臨江返照殷櫓枝搖曳傍烟鬟分明百雉  
天邊插障得秋風挂榜山

祁陽

纔過潯谿東復東山煙吹散碧蘿風  
篙師新買瀟湘竹撐入空明八景中

合洲

刈稻人來荷鋪輕前灣隱隱見柴荆  
曉煙劃斷青山色夜雨流殘白澗聲  
櫓轉帆隨秋瑟瑟湘經瀟瀟水盈盈  
篷窗頗得臨池暇晝被裁蕉視

此情

寄姚春木

楚江遊倦返東余我亦星奔急到家  
兩戒山河在圖畫六旬毛髮感年華  
荊州沈竈隄方禦夢澤迴帆鼓乍撾  
野史亭追張萬戶可能佚事助搜爬

渡湖

廿六眞書驅九醜殘碑重見井中天  
柳侯著意龍城柳手記元和十二年



道人執刺話靈奇我正拏舟訪舊祠  
擲得金釵在魚腹至今人拜白魚岐

### 岳州

晚抵岳城下湖波尙渺漫小邱排翠屋斜日落  
蘋盤順自湘靈助心從濟涉寬今宵樓上月虛  
我綈衣看

### 螺山

湘江三作主人翁瀟湘沅湘蒸湘均湘流到城  
陵亦寓公城陵磯乃江湖合流處自此至指點

螺山有斜港小留何礙石尤風

陸溪口

翦江風色利紅日陸溪銜漁網挑新竹村帘倚  
古杉老鑿催煮蟹小臥看收帆誰說漸漸水秋  
來博士衫

漢口

夜半聽迴潮江空作勢驕飛行舟欲讓兀坐燭  
旋消鐵鎖何由截鳴螺莫再邀楚山剛積雨秋  
齊盼明朝

不寐

索乳兒啼在短篷老漁隔舫聽收筒殘更人似  
鰈魚醒撼枕江聲雨又風

武昌解纜後寄陶鳧香年丈

晟府誰傳樂律真離離香草楚江濱黃花節日  
麻衣黯紅豆詞人白髮新蒲褐談禪驚惚恍

與丈

先君先後同在王述庵少寇門下井華選韻尙逡巡登樓漫爾

相期望湖海何堪作後身

來書有如閑選樓繼湖海詩文之後真不

朽盛事

之語

重九日過黃州不泊卽趨蘭溪

黃州卓午片帆過難得澄江水不波就下路趨  
蘭渚近登高人想竹樓多蘇公繪雪空幽築杜  
牧吟春託碧蘿老我思歸星火急不應尅日更  
蹉跎

盤塘山謁楊將軍墓

楚中舟人多奉楊將軍而不知其爲孝子  
過江拜墓爲著於篇將軍諱臘父朗駕後  
順流觸石鷹嘴遭溺將軍以求屍不得自

沈俄兩屍並出土人感其孝後屢示靈異  
故羣稱將軍云

生求父屍屍不見死負父屍出江面土人收葬  
盤塘山墓道高跨蒼崖間孝名孝行天章煥百  
感神靈徹霄漢故里流傳蜀錦城崇封敕賜唐  
貞觀斷磯鷹嘴浪滔滔厄數當年莫可逃萬里  
奔馳覓骸骨千夫悼痛隨波濤由來屈伍傳吳  
楚澤畔曹娥死其所兩字乾坤孝與忠千秋血  
性兒猶女迄今江水流哭聲駭浪不敢磯前生

沿江好事築闌檻磯路如砥坦且平擊牲醴酒  
來晴晝欲譜神絃墓旁奏請看披榛拜墓人素  
冠歸去邀神祐

香鑪峯王文成紀功碑末有嘉靖我邦國  
語越一歲而世宗入嗣大統憶嘉慶庚辰  
對策時陳蓮史同年策中有道光字宙句  
蓋亦爲今上御極之符偉人涉筆消息  
造化夫豈偶然道經碑下口占卻寄蓮史  
吳中

新建刊碑留識語桂林射策亦奇才從知鉅手  
摛文日關係京朝氣數來

潯江竹枝詞

九十九峯相向春九江九派水粼粼郎裁段氏  
雲藍紙常寄江頭六六鱗

大姑插花鏡裏妝小姑新嫁得彭郎荒墩一角  
秋千影太息江州馮小娘

花片東牆不識愁婁妃仗節翠妃羞樵人圖爲  
驕王諷墜髻鄱陽水咽流

上宮次宮廬阜連下宮應在彭湖邊采藥仙童  
何處去湖邊那問紫芝田

天賜詩人作豆籩廬山白李不知年欲從度索  
君相問大布高冠孰是仙

南北分風利客舟宮亭神女一詩留也知月夜  
西湖憶絕妙文章秦少游

舟中望廬山

推篷不見廬山面朝霧茫茫江似練羲暉東上  
塵夢醒白雲卷散峯頭青九江百雉儼闌檻古



塔對峙琵琶亭高吟詩句愛樂天  
湓浦月與香爐烟白家池荒蓮社  
杳東林安問西林賢松風泠泠吹  
鶴背九疊屏風天不礙山經目送  
客神往客向前行山後退鏡裏玻  
璃渺千頃玉杖未攜中耿耿橋頭  
那遇白玉蟾世上應無陸脩靜  
桑落洲過彭蠡灣大孤山盡小孤  
山今宵好在宮湖泊夢到石門飛  
瀑間

湖口

五老峯高未就攀扁舟暫泊荻蘆灣  
遠山缺處

江三折濃樹疏中屋數間風過頻教添鹿裕雨  
收亟爲寫螺鬟縣城隔水水逾靜時見一行沙  
鷺還

小孤山

松竹青環佛髻珠江心入定坐跏趺舵梢紅袖  
攜香紙喚取小姑看小孤

馬當山

風利西南過馬當收帆峽口樹蒼蒼路經湖口  
與彭澤險埒太行兼呂梁白日龍鼉歸穴靜高

秋鷹隼傍桅翔伯英大草間臨得持予山僧去

補牆

二僧拏舟來以草書與之

早霧

江頭濕霧涵成雨几上殘香吹作塵中歲聞雞  
常獨起任人猜是早朝人

余忠宣公墓

雨氣連江鬱不開江亭釃酒弔公來嬰城六載  
支殘壘仗節全家賦大哀襟帶舒州分據地衣  
冠至正濟時才一從帥府刊碑後

謂斬文襄朱文正二公

墓道常看闢草萊

齒搖

昨歲脫右齒咄哉留三年輔車間兩大夾持竟  
得堅今茲左齒搖痛與羣齒連花欲辭故枝又  
復相綿纏入破宮徵變在中鈴鐸懸一擊鐵如  
意試作張果仙

銅陵

十日一阻風五日一阻雨皖城強開帆南風來  
卓午長年有笑容材官亦色舞遂行三百里昔

遲今速補斜照成濶別見之增媚斌九華隔迴  
汀五松在前浦明轉鳩茲舵復聽燕磯艣快哉  
達京口如入我堂宇

過燕子磯記甲子秋試來此已四十二年  
矣

四十年前憩此磯重來不復叩僧扉午風直過  
黃天蕩一路青山識我歸

謝春木餉杞菊酒

滴滴眞珠出小槽分貽紅友若爲招蒲城何日

排桑落良嶽何緣遇藥寮七發吟情巾幘脫一  
湖春色泖初潮別裁欲傲天隨子不特盤盂色  
味饒

贈雷約軒

可可青山檻外橫已涼天氣聽潮聲花溼若論  
填詞手尙有風流顧阿瑛

謂顧  
荃士

平湖訪朱小雲觀察錢辰田學士

五九涖溪路潮平櫓漸柔識塗憑小廟衝霧出  
扁舟聖室同餘痛榕關悔遠遊東湖來話舊嬾

問弄珠樓

嘉興

燈夕風初試烟郊綠尙蕪枯桑枝鹿角凍菜葉  
龜趺樹遠隨行疾樓高入望無卽聽漁唱好已  
近小長蘆

黃霽青太守同年小竹林園偶成二首

魏武塘前路常年識舊磯春蕤釵股滑秋蠅紫  
鬚肥畫本千竿在詩身萬里歸因君寄適軸重  
叩竹林扉

林靚何嫌密亭高已見春早花紅蓓蕾雜樹小  
輪困索處詩相慰同年老更親還期過柳上一  
翦陸機萼

仲春二日黃研北丈招集蕉華館

甘蕉華下老涪居白髮論詩樂有餘北向雲山  
看玉壁東歸滋味在鱸魚弄孫樓畔春鐙過待  
客閨中斗酒儲竹實梅英相晤對還因綺語一  
軒渠

文尤喜  
長短句

贈陳梁未卽書其近詩後



故人姓氏落尊前  
萬里歸來一惘然  
野史亭邊清氣在  
論詩濁世要斯賢

丙午禊日集望雲山莊同姚春翁韻

不將詩思入元關  
不取邛枝策老孱  
雙甕爭傾花下酒  
八窗飽看雨中山  
但聞蘭韻春寒峭  
且聽鶯聲白晝閒  
解榻連宵清話在  
百年上下永和還

坐雨觀朗如畫松壁間

龍甲散蜻蜓  
旋聞土發聲  
鳥雲停碧漢  
墨雨灑

空亭筆埽松筋直苔浮石骨青相思蒼翠裏岳  
麓昔年經

題桂未谷後四聲猿

趁拍無端涕淚橫不徒金石見平生翠翹已死  
青藤老恨海茫茫又一聲

墨池荷花盛開密齋弟招集舊遊春木詩  
先成卽用余曩歲原韻聊復繼聲

花光初日翠全浮愛此亭亭萬葉稠五夜詩情  
鐙下憶一池草色鏡中收蓬門仍有賓朋舊蓮

界何知歲月流最好怡人清醉後雨聲直聽到  
新秋

古倪園觀荷

舊水新人感若何倪迂遺意在坡陀橫雲秋興  
圖重展聽雨高軒客又過難得蓬蒿初翦徑卽  
看荷芰綽臨波小玲瓏石憑闌處鸚鵡還能學  
醉歌

六月四日集同人爲范文穆公壽懸象四  
銅鼓齋賦詩紀事憶在桂林高會於風洞

之福庭此又一時也又余舊藏秦淮海象  
是日另置一席

生年月日記吳舩銅鼓聲中敞此筵邊徼驂鸞  
追舊帥江鄉畫象拜名賢鬱蕭臺上春星換壽  
樂堂前古月妍過嶺詩高淮海叟招邀同在大  
虛天昔人論少游過嶺  
後詩尤嚴重高古

東榮

東榮池館落成初肯放知交杖履疏送酒門生  
兼送果看花鄰叟復看魚詩聲自笑盈空屋記

性徒憐賸舊書遮莫臨池養心意不將筆陣蹈  
庸虛

老僕提壺暮復朝一時新綠長柔條池光不掩  
天光淨雨氣難勝暑氣驕夷約聞收臨海境五  
十七日收復農登看蓄泖湖潮七年重唱江南  
定海廳城樂可但蒲荷澤國饒

同人集望雲山莊爲姚樗寮七十壽

九峯第一玉嶙峋佳日峯前會率真香稻乍開  
新畫境名山能壽老詩人八州揮手論交滿萬

卷填胷下筆神采得紅萸更黃菊延齡釀就待  
輕輪

泊煙雨樓下

一樓煙雨未全荒搖曳茶帘老樹旁剝得南湖  
菱角小船頭呼酒醉殘陽

打魚天晚漸收筒參佛人歸渡口風拉雜秋聲  
波面起新涼都入四絃中

本覺寺坡公三過堂

東坡三過題詩處禪院重新空翠亭萬里鄉情

無乃幻五更僧夢已先醒宋時苔井泉猶冽唐  
代經幢石尙青搜句林間清籟發更無孤鶴與  
同聽

王勤齋大令館我於湖上之彌勒院卽事  
偶成二首並示令兄心護

湖海平生肯倦遊當前名勝要窮搜纔移秀水  
鴛鴦權又聽杭州蟋蟀秋一鏡荷香紅已褪雙  
隄柳色綠還稠知儂有句須呈佛彌勒同龕半  
月留

一角危樓瞰碧波十三間拓古藤蘿金容石佛  
依然大水枕坡仙幾度過文牘不妨隨地判湖  
山豈但助詩多應教冠勝軒仍舊先爲禪師寫  
壁窠

是院卽古相巖院有冠勝  
軒寺僧乞書額卽仍其名

### 由石屋洞歷楊梅嶺至理安寺

齋鐘出鳳林

寺名

客在筇輿喜明湖妝鏡開螺鬟

沐秋水絲絲鬢路清瑟瑟衣香起槿花夾短桁

菱葉散芳沚山家四五椽營業趁香市古廟署

南冷上嶺從茲始



宿雨濺帽屋呀然豁洞天如螺復如甕雲氣相  
鈎連中羅衆尊者就石金容鑄偕遊適六人咄  
哉同宋賢襄頌弈顥章題名玉局仙

陳襄蘇頌  
孫弈黃顥

曾孝章蘇  
軾同遊

煙霞有進境杉栗生新秋叢莽與繚曲宛似嶽  
麓游有閣踞松巔溼翠空中浮一烹法雨泉再  
饌伊蒲羞老僧會談山飛錫從揚州坐久白雲  
滃雨來不可留滿山琴筑聲送我歸湖樓

靈隱

客從西冷來言尋北山路高峯天一綫短笻村  
十步鵝鵠縱喚晴蟠螭猶翳霧冷泉何潺潺澍  
碧萬千樹戒壇蓮再華經藏芸無蠹具德老禪  
師梅村爲題墓更讀諦暉碑吾家有雅故先曾  
比部公爲諦暉和尚塔銘竭來叩方丈聞鐘此三度登頓亦  
不辭蒼苔沒芒屨

冷泉亭題石壁

白蘇皆清流岳子有熱血滙爲菩薩泉愈淨愈  
寒冽諸天發身香下界空眼纈

集慶寺

嶽嶽集慶寺松徑紆以長菩薩布慈蔭山自南  
朝蒼閭妃眷特殊金碧爲道場三池與九井桂  
月何年荒理宗遺御容寺僧什襲藏開函一瞻  
仰目豎眉飛揚再披燕遊圖雉扇明宮妝畫工  
郭蕭齋能傳日角光歲久真不壞護持神所祥  
無怪藥室開長生留丹方

寺僧皆賣藥爲業

吳山清秀堂

金地山頭金粟香看山來憩鍊師房微嫌大樹

濃陰合畧見西湖晚照黃十笏壺觴邀客醉謂  
穎山四絃簫鼓送秋涼張聽松奏夕陽簫鼓一闕延清萃秀

標題在何弗更名有美堂

陶珠泉司馬招集江干

過江使節十年前桂序重登水上筵一鏡山容

螺子黛八窗雨點雪兒絃長松翳嶺來時路萬松

嶺壞塔炎岡別後天六和塔近簪笠芒鞋遊殆

徧候潮遲我未歸船

上天竺法喜寺

今朝八月八法喜盛祈禱草間木魚聲丐婦亦  
誦佛石泉和琤琤林木寫芬鬱蓋偃松可攀鞭  
長筇堪掘阿羅天渺漫普陀地彷彿我來白雲  
中草袍與蒲拂謁佛又何求胷次本無物

葛嶺

不辭捫葛上來叩葛仙扉礪硤衣千疊江湖帶  
一圍蟀堂秋雨散鬼屋夜燐飛何夕瓊臺宿咸  
池看曙暉

絕頂初陽臺  
可觀日出

朱莊追悼彥甫

良友不可作山邱思黯然棹來雙槳雨收得一  
湖煙院冷蟲鳴夜樓成鶴去年豐溪留十日猶  
記別離筵

戊寅春余將北上與芸  
皋留飲豐溪草堂十日

### 潮鳴寺觀戴文進畫諸尊者象

丹青飛越到諸天變相鬢雲火欲然十六應真  
聖因寺千秋應其貫休傳

### 吳山觀潮

銀弩三千不用攢蜿蜒一綫走江千潮頭大小  
今何似欲作吳門匹練看

中秋夜泛月三潭

打槳三潭去花鐙擁翠娥橋平鋪月白闌曲受  
風多良夜團圓影全湖潋灩波不須驚面皺妙  
悟百東坡

西溪八首

一重翠掩一重陰溪水長流不競心多少黃冠  
曾遁跡秦亭山色自來深

繩梯架屋收朱柿葦箔堆牀曬綠荷十里秋光  
花塢外吸山風裏竹香多

未見蘆花弄雪晴秋來淺水一條明柔桑任意

蘆中插只許漁舸宛轉行

高莊

江村先生

名舊換張莊

先文敏公

萬竹當窗

竹窗二御賜

字緣未荒我欲置亭隄背上養魚前後兩方塘

壞牆三面寫松枝雨蝕苔侵不辨誰知復何人

碑下宿漏痕釵股有餘師

董額

香光

交蘆佛語通山舒水緩記眉公吾家老

祖多禪悅嗅得梅香月在空

明月梅花同佛語先文敏書楹帖句

百年墓碣翦藜蒿樊榭襟懷半楚騷按拍紅牙



涼月上若爲剡水薦溪毛

月上爲樊榭姪人

歸路泉聲臥籜龍金波漸見月溶溶楊家樓畔  
南朝桂猶認尙書馬鬣封

婁東雜題

南園一鶴失伶俦王氏西田草尙馨三宿醉紅

吟館裏廉州畫几奉常屏

陸氏吟館

迎陵半繭賦還傳如繭園中小有天怪底虞山

猶未到客堂看畫半耕煙

錢氏繭園

尙湖

曉巖拂水豁吟眸更愛城西碧玉流飽喫蘆邊  
香稻飯半湖紅葉一移舟  
猶記香山扈從年萬株楓葉御屏前江南除  
是癡翁手粉本斜陽有畫天

### 破山寺

山光潭影是傳鐙曲徑禪房舊迹仍我並下乘  
參不破題詩敢問四高僧

### 維摩寺

維摩寺在虞山頂四大寺中此殊等天際濛濛

午霧開山似病僧睡初醒  
昇夫屏息細路穿山  
石犖确行難前樹根橫互爲拾級一重一掩一  
折旋翠松丹楓成步障小者青紅儼相向盤盤  
霞氣塞襟袖木末聳輿九霄上寺前山坡如掌  
平寺後山徑苔庚庚小亭周圍梅百本乳竇滴  
瀝泉雙清望海樓高天宇豁福山狼山兩瓶鉢  
東西湖隔田稜稜新舊塔環城鬱鬱劉宋蕭梁  
話劫灰小乘僧作小徘徊蛟蚤誰拈宗鏡錄祇  
應天女散花來

竺仙泉在普仁寺

葉葉枯禪橫翠閣牀牀法雨竺仙泉一從月老  
開堂後此水潨洄百二年

新陽

纔向巴城下新洋江水明刺船衝直浪刈稻趁  
堅晴手槳雪中影暮鏤煙際聲路歧多問訊氣  
味老農清

移松

泛船古有例黃菊與紅茱我獨遊維摩移松得

小株攢聚三五點當風拂苔鬢亟思予嘉耦物  
色在歸途江楓摘臨岸野菊採臨湖瓦盆遂離  
披枝葉丹黃敷故山雲一角遲我橘柚租行當  
醉松醪羅列爲清娛况兼開籠香松菌充賓廚  
謝葉桐君贈菊

人傳異種葉家莊三九分來幾棱霜十色簾櫳  
森羽葆一時屏障下娥皇蔗山曾結東州契德  
水猶思北牖芳老大不嫌遊秉燭最難忘是舊  
柴桑

京師種菊以趙象庵舍人蔗山  
園爲最勝山左德州亦饒佳種

耿思泉壻招集同人飯杭州朗鑑和尚於

南禪寺

黃梅香透一陽先自肯堂中好問禪草草銜盃

存坦率僧僧握手證宗傳普庵說呪通琴趣彌

勒同龕憶盡緣昨遊武林與思泉朗如徐陸當

時休沐地危樓猶在萬松巔自肯堂爲徐文貞

地萬松樓卽今之大悲閣

丁未元旦和木公韻

世局何知對奕秋擁書萬卷當遨遊草堂自抱

蕭疏竹春水能容浩蕩鷗首歲梅華剛紀麗老  
年酒力足驅愁我生受用真無盡誰得天龍一  
指頭

慧日寺看梅

挈榼提壺就竹廳十分晴霽雪開屏去年梅子  
成豐歲欲叩山僧種樹經

崑山

舊墩本住黃旛綽古墓還留顧仲瑛婉孌崑陰  
山似玉草堂何處聽詩聲

顧相祠堂黯落暉玉峯乍見玉梅飛半山橋下  
瓜皮艇衝破溪南鴨陣歸

石塔凌霄紫岫偏龍洲殘碣在榛煙井闌半月  
荒村外苔字模糊紹定年  
傳是樓中萬卷書亭林舊學啟三徐遂園脩禊  
圖成後誰集賓朋慰索居

木瀆至靈巖穹窿

曲曲橫塘送畫船胥江南去柳如煙迴看櫓後  
靈巖塔七子山猶靠櫓前



葉葉春帆兩岸移  
白橋紅廟日遲遲  
銷魂當日王司理  
破楚門東唱竹枝

一樹櫻桃照澗泉  
題楣妙墨尙依然

秋帆先生題畫船雲

壑靈巖仙客騎雲返  
鶴語誰家華表巔

玉檻銅溝事有無  
館娃宮址舊吳都  
西施洞口攀蘿上  
一舸茫茫見太湖

桑枝攢簇草蒙茸  
西簾家家馬鬣封  
徑轉溪迴憑捷足  
下山猶聽法華鐘

採香涇上水盈盈  
人指穹窿細路明  
萬丈蘿丹

松翠裏步虛聲近到三清

光福雜詩

西崦梅花已過時  
剪刀風裏雨絲絲  
遊人先謁司徒廟  
古柏前頭好賦詩

銅坑銅井意蕭疏  
鄧尉寒香剩幾鋤  
歸去虎山橋下宿  
橫斜花影酒醒初

眞假山前樹十圍  
衣冠晉代事全非  
青州刺史朝天去  
尙有神鳥傍墓飛

佛言甚處梅花好  
山是吾家最上乘  
記得六

飛巡幸日餐香嚼雪有高僧

上問梅花何處好僧云吾家山第

紅杏枝頭擁髻鬟湖光如鏡翠迴環三公

牧仲漁洋

歸愚詩在還元閣獨怪漁洋占一山

長旗嶺過石樓東山市羣芳簇作叢試向萬峯臺上望六浮蒼翠有無中

五雲避地還成洞七寶清流尙有泉誰得長蘅真六法湖山圖畫本天然

極目東西兩洞庭潮回七十二峯青平生萬里

經行慣轉怕風濤涉渺冥

查山一帶白雲收暮色難爲石壁游塞路繁枝  
青鬱鬱枇杷樹下客低頭

歸自蘇臺同人集山莊

太湖歸洗水邊卮客至山莊又賦詩山莊花比  
山城早已見鼠姑紅一枝

呂涇潮信去遲遲春熟春前野老知半月堅晴  
剛得雨斬新蠶豆上街時

錢春日桐君招集自怡園

似錦園中折簡招南烹最喜手親調六詩三筆  
何曾嬾四壁千堆亦足驕烏爲留春喉轉玉花  
如泥客臉生潮日斜筵散餘清聽槽滴眞珠欲  
徹宵君方  
釀酒

霽青至爲招同人待之於山莊桐君用少  
陵漢陂行韻紀事霽青和之疊韻奉酬兼  
爲後約

山無佳客何足奇客至杜陵歌漢陂主船客船  
互前後半篙撐破青玻瓈轉棹偏從籬罅入花

木文章一時集紺裳赤鳥七十翁鶴樣精神皆  
弗及山迎客喜山容開山田雨後無點埃橫雲  
左近小赤壁羽客恰好橫江來步虛有聲高莫  
測古調還將四絃拭酒星大影照酒人頭白豪  
情勝頭黑小黃墩上君家山我曾訪之林石間  
同年愛我屬強飯長日從君共掩關葉公詩先  
探領珠君詩浩浩衆水趨華亭脩史諸作手高  
會昔有今久無得君一至期再至天際眞人具  
深意一邱一壑君謂何泐湖秋早葦絲多

分龍雨

分龍雨農豐年上午耘稻下午眠連朝酷熱儼  
酷吏炎炎先著義和鞭誰歟埽除塵垢散老農  
霧眼披青天披青天月當戶農力雖竭今農心  
自還古一更二更鞭苦楚三更統統縣衙鼓四  
更阿香呼老龍五更風來方塔鐘

偶成

鑄銘貽硯友擔米送山僧急雨過樓角涼生最  
上層荷盤青欲破豆帳溼相仍久佇蒼煙裏鄰

牆已上鐙

山莊觀荷同嬾漁作

吾家兄弟迭主賓  
菱荷六月當生辰  
種傳太液高出水  
別有小桃紅泥人  
碧筍露下載芳釀  
青蒲風外揚輕輪  
山頭半明復半晦  
池面無垢還無塵  
如鉢花多豔迎旭  
如盤葉大波翻銀  
不辭茗芋同一樂  
早脫襦襖全其真  
四絃聲動魚欲舞  
四壁香滿鷗俱馴  
嬾漁首唱自旖旎  
老船酬和何逡巡  
歸途各趁晚潮急  
新月上弦剛半輪



南瓜詩答陳梁叔卽和其韻

山人屋角瓜野老甌中飯  
爛斑黃漸熟銅繡色微褪  
布葉愛披哆引竿獨柔曼  
初爲種瓠誤繼乃灌園勸  
味於所不味此樂亦繾綣  
長繩儼分棚頑翠接斜堰  
其上花迎旭其下草除蔓  
南烹塞老饕學圃得鄉愿  
寄籬爾弗嗟息影我所願  
有詩物價增何日蔬盤獻  
家庖米顛書風致或不遠

詩而集

朝天集

華亭 張祥河 詩船

呂岡壩

勝侶襟期浩蕩鷗  
呂岡壩上艤輕舟  
去年竹石難爲力  
得此渟泓兩頃秋

紅廟前邊紫豆棚  
離離野蔓接波生  
瓜皮艇子來盤壩  
奇景真看陸地行

三塢沈沈影有無  
烏雲片片墨模糊  
田家正少當窗畫  
特補房山欲雨圖

一亭碑字我親題碑下扶闌夕照低解事鄰船  
來送酒新紅菱角古偏提

三林塘展墓

蒼煙紅日鬱南阡不到三林又十年萬里身歸

滄海上九重恩在詔書邊近蒙三代恩科名屬

望思嚴訓第者祖訓不掇科莊舍相循置義田河

續置義川展墓禮成還肅拜短衣韎韐去朝

天

瞿穎山王勤齋書來訂天目禹陵之遊詩

以謝之

感君促我浙中行  
竟負良招似不情  
天日虛懸采茶想  
禹陵遲聽搨碑聲  
湖山脈脈勞東望  
祭埭恩恩賦北征  
爲語摩厓拂苔蘚  
冷泉石屋是前盟

潁山鐫余詩字在冷泉亭石屋洞

泊申江口

陣雨草香發小花  
明淺沙橋低船被阻  
潮退鼓方撾  
商婦分新柿  
溪童摘嫩茄  
年來田話慣  
最習是農家

行厨憑一僕鄉味是耶非水逼江魚瘦秋先野  
雉肥短籬鳴軋軋斜堰濕霏霏寄語投竿者爲  
余留釣磯

潮上

一枕秋涼寤後知申江潮上五更時浮空人語  
垂垂近早雁金河出櫓枝

藍子青大令招集延清堂觀大觀堂帖

者番握手慰平生滬濱停艫折簡迎當局正勞  
籌海運使君向說熟夷情青琴夜集剛聽雨吉

貝秋高畝盼晴示我大觀初搨本延清堂上有  
餘清

游龍杖歌

湯敦甫相國以圃中紅蓼老幹截爲拄  
杖製極堅卓

蕭山相公妙手製高吟隰有游龍詩天成赤玉  
體堅勁莫謂掌空無把持蓼汙霜清剩老幹後  
彫何異喬松姿愛才肯任營蒯棄審曲略教斤  
削施過頭丈餘鳩鳥飾突過九節仙邛枝京朝

多有尊老者臨池分布如義之花裏留尊戰然  
笑僉曰此杖真魁奇桑梨柳栗不足數天台身  
毒奚以爲高秋岸幘穿蒼蔚大隱蓋屋安茅茨  
當心一挂傳鐙佛洪範五行天祿師相公儉德  
概可見司馬不喜肩輿隨時時東家去看竹歲  
歲西崦來尋碑煙霞嘯傲能任杖卓地驚破狐  
禪疑那須介象眩方術直使長房投葛陂

皇甫墩夜集

月明如白晝人健似中仙載酒登樓去相隨有



畫船扶闌千點翠隔水四條絃浮玉山前景微  
茫共一天

支硎山憩吾與庵

晉代猶傳隱者風披雲何處問支公秋陰肯與  
游人便一徑松篁翠掃空

泉味何知世味長山樓三面挹山光鄉耆幾輩

恩恩過

三松玉松竹  
堂桂輪諸公

金粟空聞現在香

吳江贈沈西離太守

燕市題襟已卅年相逢吳下各華顛常山有志

搜奇遍君著常山震澤無波就養便單舸新詞  
楓葉路一杯涼雨桂花天松陵自昔多酬倡皮  
陸何妨爾我傳

放翁生日郭生季虎招集涉園

放翁七百歲而贏私淑叨同乙巳生劍外青山  
無量壽吳中團扇有餘情嶺梅得得春方動園  
菊疏疏酒更清難得詩人舉高會北行我特緩  
郵程

季虎集同人飲餞於潯關管山

潯關新得管山名  
擔榼移舟客有情  
略似西溪溪屈曲  
石橋可壓蓬行到  
門不識凌霄樹  
拾級多爲雁齒階  
累石難分真與假  
却留薜壁要磨厓

零山在鎮江府東

零峯乘櫓陟其巔  
歷歷江帆在眼前  
知是宋時祈雨地  
龍池猶勒紹興年

丹徒越閘候潮

徒陽成古淺河道  
阻且長停艫越牖口  
江近帆

不揚前有軍船來歸次後有米船去賑荒中泓  
剩此一尺水兩難濟涉官旁皇守者告余潮有  
準水長當得五尺強稍遲請從越牖往紅船伺  
客連風檣側聞海運朝議定蘇松太屬輸全  
糧又聞星使自天下江驛輿馬遙相望民  
艱民隱塵宵旰濟時何術需賢良明當乘潮  
利舟楫涉江采采芙蓉裳

移舟

中酒連朝悶江湖一夕生初聞流汨汨旋見勢

盈盈兩岸開邊闊羣舟挿翼輕金焦相對望遲  
我亦多情

以伏波銅鼓送焦山媵之以詩先是阮芸  
臺相國張芥航河帥前後以定陶鼎諸葛  
銅鼓安寺中

神物吉金原不朽藏之名山佛能守定陶寶鼎  
何般章諸葛銅鼓色青黝伏波一器雅堪屢鼎  
足而三相左右鼎哉佛力大無邊萬里精英不  
脛走殷廊聲合靖蛟鰲旋篆文疑讀蝌蚪穹碑

客訪大蘇勒佳傳人觀蔚宗久忝余喜捨蓮座  
下一棹紅船游京口眞州相公導厥前延安河  
帥踵其後鄭重聊儕玉帶留鏗鏘應待銅釵扣  
姓名往謝登雲臺眞氣今看驚戶牖碑影朝摹  
瘞鶴荒江聲夜聽蒲牢吼時平有數將才出芋  
火僧房接星斗

### 高口寺

過江每任客帆馳繫纜登臨此一時佛刹浮圖  
何被燬齋堂修竹尚含姿鐘魚梵課清無減淮

海鹽儲弱不支退院老僧曾有舊至今寂歷放生池

### 平山堂

寫經國學餘閒在五字淮東第一觀

蔣衡書

再拜

歐公遺象下幾人注史此堂寬

不辨茶園幾樹香傳花行酒亦文章江南山色

青如畫儘肯隨公到蜀岡

離離芳草接蕪城數畝雷塘一水橫莫訝寓公

多戀此揚州司李五清明

德水旁開幕府春南城養士不知貧蓮花橋下  
溶溶月曾照題襟被酒人

更無蝶影上征衫春事花開草不芟猶剩暮霞  
還照裏幾行鴉點送江帆

禹筮東南握算艱羽書西望凱歌還紅衣白舫  
朝天客尚有尋詩幾刻閒

丁未臘月暇闕入都四觀

天顏恭紀

讀書致用愧巖阿入覲

龍光受福那四日敷



言鄉里切 九天垂念海疆多鸞鳳舊侶升

丹陛謂賽雀汀大農竹石前塵話大河吳補之

在祥符大工同自顧何脩叨 異數何殊倖直

聽鳴珂祥河在樞

葉東卿以周遂啟謨鼎喜捨金山繪圖徵

詩

周宣中興日北伐勞王師前帥師者尹吉甫後  
帥師者遂啟謨庸作器寶鼎見饗餐雷篆光  
離奇格于宣榭廷侑祝史減冊命詳銘辭葉公

得之老農手榮湯村在岐山  
嶺山陝輦京已千里喜捨浮  
玉不敢私焦山在昔藏周鼎  
金山有此當鼓旗觥觥神物  
豈終閼江天錯采驚蛟螭  
昨余渡江上焦麓伏波銅鼓  
自粵移供諸佛座菩薩笑定  
陶諸葛相鱗比與公斯舉實  
同調遂忘譎陋而爲詩

卓海帆相國見示甲辰端揆紀  
恩詩和韻

昨從待漏接芝顏盈冊新詩  
荷下頒玉律宮商

傳 朶殿金甌姓字仰翁山三年協揆知非易  
一德元良在克艱傳說中朝相司馬歡聲豈止  
動鄉關

黃麻端席出 宸銓作哲知人任不偏春暖沙  
隄歸坦道風清畿輔贊鈞天絲綸入掌三霄接  
憂樂關心百族先拜手祝公平格壽 恩光日  
月荷雙肩

戴醇士閣部惠畫八幀各題一詩

可可橋邊聽晚鐘依依柳色向人濃  
去年彌勒

同龕夕夢到南屏第幾峯

山樓雲起有誰知筆法沈雄又一時北宋宗師  
推北苑巨師智更過於師

卽花卽雪卽莓苔樊榭拏舟好句裁玉簫聲高  
詞客往冷香飛上畫縑來

娟娟隔水靨魂消寫到空烟雁路遙猶見冷楓  
幾紅葉箇人心事浙江潮  
如此春光亦太妍湖樓湖樹半晴煙鳳池客聽  
風箏語想到西泠放學天

戒壇三宿記前緣  
扇子湖頭下直年  
若話西山真月色  
我詩曾著萬松顛

欲窮李范寒林趣  
只有才人唐六如  
點點煙中數歸鳥  
不知是密是蕭疏

世界婆娑物可齊  
鐙青月白欲聞雞  
夜堂君寫家山好  
正我投床夢剡溪

戊申正月十四日  
戚小蓉招集龍樹院  
是日爲余生辰

元日占祥壽且豐

風從巽地起  
主人壽年豐

上元前夕更和

融多情古佛宜開社有志儒生敢號翁  
駕舍清如邀笛步鳳槽暖入試鐙風  
廿年前見題楹在畫境詩懷萬葦中

二月初十日

恩簡甘藩恭紀

金闕依光兩月周分藩關隴拜恩稠  
番民四

塞勞安馭芻餉三邊勉運籌  
樗質久慙才瑣瑣棠陰敢信政優優  
向平白問還多累足底先完

五岳游

曾游四岳此  
行道出華山

恩榮鰲戴重於山 宣召連朝仰 霽顏五拜  
御筵分克食兩迎 聖駕忝陪班 怨勞能任  
何容易賢否周知豈等閒領取 訓言銘肺腑  
天心西眷在邊關

新店重訪崇恩寺

賢王三世留名翰 靜守香花老住持  
定即我亦曾經方丈宿 一庭涼月照山梳  
關隴分藩亟束裝 特留畫幅挂禪堂  
東風正值清明候 萬柳舒金輦路長

磁州

江南真小似得此輕莎行水上隄何亘塵中眼  
忽明春波浮乳鴨新柳坐啼鶯爲問橋邊叟荷  
秧插已成

入豫境盼雨

春風料峭客興前野色青蔥在麥田欲買一犁  
深透雨兒童滿把是榆錢  
淇水波連衛水長使君舊治暗迴腸如何災歉  
頻仍後又動神絃呪木郎



清化鎮食筭

與爾經年別春纖入饌來空青新眼界慘綠矮  
身裁玉脆香添蘼冰瑩凍潑醅海棠開正好節  
物記豐臺

京師豐宜門外  
春筭畧相似

洛陽

一帶邛山送客西與人連臂上天梯白雲四起  
瞻伊闕纔覺盟津地勢低

鐘魚遙和打碑聲古墨生香佛院清

謂千飲餞  
祥寺

東都新雨後鼠姑花放一天晴

出城望嵩山

吹緊東風雨不飛  
洛陽城闕百花稀  
山行天塹開危徑  
穴處人家掩小扉  
中土冠裳中岳拱  
九朝都會九州歸  
盛時使節經過熟  
清夢還能上翠微

鐵門距函谷關三十里

谷水湯湯舊壘存  
封泥一笑向誰論  
函關已扼羣山險  
又見荒莊署鐵門

陝州

神仙河上公河上杳難尋王濬戈鋌墓草深積石  
三門通砥柱麾雲四野入桃林并吞自得居高  
勢馳騁空存據險心西號南池更何所下陽鄉  
夢使君岑岑參南池詩最多

### 古函關

混沌何由鑿關雲逼曉寒昇輿還躑躅旋馬更  
艱難人似穿珠曲天真坐井看盤盤行十里漸  
見兩厓寬

獨樹插天迴苔花壤壁開河流穿脇出嵐氣壓

肩來千役皆王事當關孰將才重門襟帶地那  
問漢時臺

閼鄉

陝樹秦雲漸接連閼鄉城外大河偏關西夫子  
留僮約到縣先尋阿對泉

由盤豆鎮至潼關

朝發盤豆鎮兩厓馬耳尖輿行仍土巷藏風可  
捲簾尤喜新霽開紫氣旭日瞻中間豁平皋深  
涉水漸漸聞道向河干輿夫意所快洲田方劃

鄧農子多腰鎌疾馳路平砥漸見屋覆苦關門  
瞰洪流宛如鏡出險對峙峯忽斷奔迅波真恬  
記里徑四十數以四四添二陝接三秦啟閉雞  
人嚴今宵達華陰蓮鐏看明蟾

### 入關望華山

曾游四嶽此游宜一路煙鬟絳節移我到關中  
人喜雨三峯正在出雲時

半山路轉見全山古廟依稀竹樹環青綠前頭  
煥金碧欲將綵筆付荆關

謁華山廟十六韻

西鎮瞻靈顙金天祀薳收蓮華雲削翠仙掌露  
凝秋區井占鶉野開山起鳳樓人多男富壽樹  
列漢秦周武帝崇壇拜興王紀夢游何方來白  
鶴自昔度青牛秩應中原望屏連萬戶稠二陵  
分雨氣三輔接河流伯起英姿毓圖南隱蹟留  
趙碑苔繡滿拭劍土香柔魚伏圓池靜羣飛一  
閣脩廟垣圍堞雉墟集樂民鳩殿角棲烏鵲幢  
身繞碧蚪但看輪藏轉安用竈丹求 寶翰光

千仞神絃貢十洲  
余持節過蘊藻玉泉羞

華山飯玉泉院

清晨取山徑正對蓮華峯  
山神若有知盡埽雲  
千重玉女剛洗頭攬鏡舒天容  
初如櫛形比蒼  
髮披蒙茸又如潮勢湧  
穀文吹橫縱如冕如展  
立如錐如劍鋒斷澗阻客興  
踏破聲淙淙言訪  
玉泉院曲池環五龍無憂名樹嘉樹列太古幽巖  
封萬翠篆空上絕頂只一松  
希夷有臥象步步  
皆仙蹤雖無濟勝具曾不攜短印

雲臺觀觀秋帆先生題名

杳杳一鐘響肅肅三清宮昔建焦羽士後居朱  
晦翁百年丹堊煥今也瓦礫叢嘗聞禱雨靈飛  
章達宸聰養士更養民我所思畢公

華陰道中

駐馬橋頭問二泉大敷谷與小敷連富民古法  
今猶見一稜清渠一稜田

少華

少華亦三峯表延古黛濃大唐侯佐順

昭宗封少華佐



順京兆郡宏農白石嵐光潔金壺峽勢衝碧雲  
何處寄道脈記吾宗

張三丰傳  
道孫魯雲

### 華清池

山頭烽火更無臺爲訪華清試浴來瑤甃四周  
泉混混玉蓮三月翠徘徊行雲不下朝元閣村  
笛猶吹阿濫堆

集杜張  
成句

十六長湯今剩幾却看  
潼水繞城隈

### 驪山懷古

繡嶺層巒落照移雲窗霧閣有誰窺青棠風折

沈沈院殷葉霜凋淺淺池紫磚東園初瘳日香  
囊西內再聞時泰陵客恨孤烟起卅韻華清杜  
牧之

新豐

楊柳依依灞水長慎夫人廟草全荒新豐指點  
邯鄲道錦瑟銷魂是代王

灃水橋

長橋跨危坂灃水白波生前接壩陵道後臨咸  
陽城甲兵一以洗鷗鷺相與清金張及許史留

客尚餘情

渡渭

輿足吹塵起平沙帶晚霞青連秦塞樹紅剩漢  
宮花濁浪東流急高原北望斜蒲輪徵聘後幾  
見釣人家

乾州

醴泉朝攬轡西指古扶風好時連雙曲名山控  
九嶷知時桑道茂扶國狄梁公莫向乾陵歎貞  
祠竇女崇

太峪道中

四月四日天雨雪蒼翠惘頭玉凹凸鳥道空烟  
晦復明牛溲積冰泮還結籃輿早發永壽縣上  
岡下岡路嶄絕人家榆比圈土門古風邠岐陶  
復穴門前泥竈秃樹株門外花輪潤車轍斷垣  
如築又如削危坂如傾又如齧一輿十夫曳緯  
走十步一留防蹶跌麤沙踏去鏡可磨亂石堆  
來屐爲折城形鬱鬱蒙髻雲澗響琤琤和蹄鐵  
中途鼓角隴上吟遠堡弓刀馬前列我行華嶽

遂遊願再向甘州補詞說坐客猶談櫻筍廚江  
南正好清和節

邠州大佛寺

邠州城外過澗西石佛有象山中棲佛身八丈  
五尺半鑿石始自唐貞觀旋圯旋脩殿宇高人  
來拾級如升猱兩邊石穴亦丹刻一佛化身百  
千億西來諸山皆土岡到此山骨方開張詰朝  
先見盤陀石楸花桐花間青白峻嶒覺路一拈  
香景泰殘鐘在寺旁老僧捧茶向前說舊碣全

荒有新碣杭州湖上正定城三者俱以大佛名  
念昔周家來相宅履武敏歆大人跡資生慧海  
如有靈誦了詩經又佛經

長武行館牡丹盛開

使我塵中眼纔開數叢魏紫入簾來雪天賴有  
輕寒勒風地曾無急陣催一鏡斜安妝弄影亞  
闌曲繞錦成堆家園計已過婪尾遲此行廚潑  
凍醅

涇州

木末人重索回中路蜿蜒廣坪心目豁荒梗爪  
牙聯日杲金鴉閃風塵石馬偏瑤池望王母涇  
汭繞宮前

王母宮

四月西池水尚寒樓臺一簇在雲端  
秋花滿嶺青扶髻博得晴窗阿母歡

廟會治山盡插旗麟車鳳蓋降遲遲  
前皇但羨神仙樂無牙神仙豈不知

平涼送寶小村少寇入都

朝天集

九

却羨之官是到家侍郎朋舊滿京華多情好在  
經年別五夜平涼翦燭花

平涼東去卽涇城穩奉慈輿上玉京我過瑤池  
曾下馬起居親問董雙成

望崆峒山

羣山疊翠大小宮三關秀拔惟崆峒元崔一去  
乘天風海內空同凡有七軒皇漢武此駐蹕長  
安西來求道術登笄頭山拜廣成蕭關原隸平  
涼城薊汝不得爭其名萬派飛泉金佛峽宛宛



彈箏動銀甲師子馬驤氣相壓  
頰者爲巖舊者林踞雲空想仙居  
尋鐵絙緣壁蒼苔深世無伍  
符與朱有神枕松肪孰離垢塵  
眼塵根呼負負明朝進步入六盤  
木夾石青古塞寒倚天長劍無由看

五亭驛

幾折危橋立馬聽亂山夾路水泠泠  
夕陽西下天風峭整轡添衣向五亭

六盤山

六盤山色翠生妍  
新霽天公與客便  
坡面羣羊攢白石  
澗腰萬馬走紅泉  
重裘帶緩渾忘夏  
雙絳輿輕漸及顛  
武廟升香僧供茗  
特留詩句後人鐫

廟兒坪

螺旋鳥道吸山風  
前馬前旌在碧空  
雪意兼旬花不發  
廟兒坪上萬春紅  
樹名其花如紫荆  
開山何止萬夫功  
襟帶伊涼氣勢雄  
下視漫漫雪蔽野  
舉頭清切是蒼穹

隴干

隴干曉望隴雲青遺跡曹韓使節經我欲西尋  
犢奴水烹茶一上息肩亭

八景羅羅紀隴干主山無地不仙壇山農四月  
青苗蘸膜拜湫神供牡丹

翟家嶺

青家驛西翟家嶺疊嶂重岡天尺咫已覺馬煩  
車殆矣豈知村市纔一盤山溝千夫踏激湍七  
十二道脚不乾蛇蚓滿坑竄榛莽落階琴筑縱

橫響撲去游塵一千丈此間梯田遠抱城今朝  
偶聽呼牛聲後岡陰晦前岡晴開墾原爲廣田  
賦犂确山田當大路官欲升科充畝數歉年棲  
畝無餘糧民欠藉口官爲償後來仍是民輸將

會州懷古

馬原鴉障舊崔嵬西望連城夕照隕祖厲河催  
鑾輅返烏蘭橋引寇兵來荒荒白草屯雲合滾  
滾紅泉亂石開猶記蝦蟆郭元帥舉家蹈火至  
今哀

雨中度青嵐峪

昨宵料峭風詰旦霏微雨  
冒雨度青嵐寒霧壓  
浮土初聞急點繁閉置無所觀  
旋喜放新霽一  
碧豁天宇折折坂高下垂垂  
輿仰俯冲霄細路  
明擘嶂短垣補崖高午盤鷹洞  
黑夜藏虎割苔  
衣水田蝕壤器空窳樵子歌  
乍歇緯夫勇還賈  
莫歎行路難應念鑿山苦

秤鈎驛

邊聲入呵殿嵐氣滿衣裳  
霰集不成雪烟空欲

蔽岡大田巉口繞初夏麥頭昂西土論時序幽  
風或未詳

由定遠驛至蘭州

定遠豬背驛九溝十八坡溝形似游龍坡勢如  
旋螺金城已在望秦雲鬱嵯峨緬昔霍冠軍匈  
奴爲投戈又思趙翁孫屯田皆宜禾我朝拓  
新疆二萬餘里多西維控上游省會環神河沙  
漠澆沃壤川谷胥恩波防邊勉轉餉撫字均催  
科古賢有餘慕宣化當如何

裴兒湘簾遠市囂紅林檎外水周遭九峯圖畫  
頗能似二曲風煙不自聊人約停雲來小閣泉  
隨落葉出橫橋陰晴漫向邠哥問好鳥枝頭舌  
已調

### 放晴

心目頓然豁連陰一放晴山頭清可數河面漲  
初平鐸遠牛腰健鈴圓鵠羽輕天都訪陳蹟準  
擬肘書行

### 論詞絕句十首專賦閨人

南唐後主藥宮修搗練聲中易感秋紅錦地衣  
隨步皺無言獨自上西樓

夢裏不知身是客人間天上落花俱紅茸嚼爛  
真無賴唱斷樓頭一斛珠

花風廿四字翻新先露枝頭一點春誰唱隋宮  
看梅曲梅花憐汝隔簾顰

龍舟未許隔花迎聞后裁牋空復情持比吳城  
小龍女荊州淚眼不曾晴

嫩柳輕雲句可人沈香舞袖顰花茵太真自擅



阿邴曲豔語清平本不倫

遠道難將錦字題伊川小令語含悽空房鐙影  
梧桐暗腸斷金風范仲妻

海棠開後到而今羅襪花陰底用尋請讀雙肩  
單枕句閨中孫魏合知音

柳結同心爲別離鏡中人老計尤癡歸來欲訴  
還休訴草草宮妝彼一時

武陵春遠卽天涯寶枕紗廚感物華非爲悲秋  
非病酒西風羸得瘦如花

錦書鴈字善言愁紅藕香殘玉簫秋愁似藕絲  
纏不斷眉頭纔下又心頭

鄉味

一雨鱸江水氣清吾家本味是莼羹橋東熟藕  
橋西粥卵飲花前一解醒  
飯瓜棚下好吟詩銅鼓聲中晷刻遲酸醬玫瑰  
新汲水驕陽卓午客來時  
比日魚乘海上風吳淞潮退集漁篷蜃蜺蜃似  
鸚哥嘴配得水紅菱更紅

蘭陽蔬菜可加餐  
話到南烹興便闌  
絕妙文章仗虛字  
魚鰕短處掌廚難

望河樓秋興

莽莽黃沙極目秋  
振衣千仞一登樓  
五涼野色漫空合  
百折河身繞郭流  
鑿穴雌雄藏鳥鼠  
窺天日月出瓜牛  
浮橋鐵纜無情物  
送盡征人塞外遊

俯仰平居有所思  
天風吹面酒盈卮  
班超嶺上兵銷刃  
李賀囊中僕解詩  
甲帳丁年無絕域  
角

弓珠勒見雄師高歌飲馬長城窟邊草青青尺  
素遲

燕支山下莫經年倚劍何人對遠天大漠秋高  
都放馬小園夏盡不聞蟬唐渠行水何窮利漢  
節開荒有數賢鼓角聲邊閒落日天驕無復獵  
居延

韓公創築受降城都護安西舊著名青海月斜  
弓影挂玉關霜重劍花明能吹威策更無賴不  
嫁琵琶空復情惟有旗亭妍唱在白雲遠上記

來清

牛炙駝烹列毳茵  
交河酒美雪中春  
輪臺昔舊盤鷹地  
戈壁壺盧載水人  
隨雁程途皆汗漫  
熟瓜時序半逡巡  
嫫姚終見圖麟閣  
莫負韜鈴七尺身

稻香八月慶西成  
雲霧何由擾大清  
兩戒番回連臂舞  
十方金幣接肩行  
陳兵不值誅蠻觸  
迎佛堪憐惑轉生  
湟陜西頭老鴉驛  
屯田閣道極天晴

橡栗垂垂打畫檐  
負薪看下碧峯尖  
天都未蠟穿雲屐  
水洞先安卷雨簾  
圃老花還堆蜀錦  
山深雪早撒吳鹽  
杜陵拾句東柯谷  
牢落秦州客思添

支機有石叩張郎  
野馬羣牛說混茫  
曲直由來成峽束  
東南最重是秋防  
紅闌影裏秦雲白  
塔光中隴樹蒼  
自笑域西聞見少  
何時括地志戎羌

白塔山

危坂延緣客佩壺大橋策騎向浮圖塞雲影裏  
詩天濶河水聲中酒膽麤如駛皮船輓芻粟已  
荒蓮蕩接菰蒲貂璫莫問前朝事景泰碑傾老  
樹扶

相輪早現白毫光晚聽鈴音替戛岡積石山連  
秋草黯拂雲樓瞰濁流黃拙書自喜留名利奇  
句誰爲質草堂憶到西林塔吾鄉名塔金粟影渡河南  
雁不成行

文炳駿歌爲布子謙制府作

大人虎變其文炳 帝錫嘉名馬何幸惟公一

心成大功天山奇產 天閑充斑斕一身好鬃

鬣迥立 闐闐生長風句用杜九重動色百官

喜磊落騰驤世無比漢代曾誇水渥洼郭家不

數花獅子公言此馬西極來驚人一顧真龍媒

奚官白頭八九十見所未見呼良材今之伯樂

善相馬馬喜遭逢託轅下散采樞星或下凡前

生寅客能安雅曹韓畫手不復傳誰歟拂絹丹

墀前側聞封事承 宸荅增勝豐毛年又年



送余子佩大令之巴燕戎格通判任

簽判高才磊落胸西平布治本從容諸羌舊占  
湟中地四望空傳硤口烽青海迢迢支水熱  
紅崖兀兀洞雲封翁孫一倡金城議劍戟芒銷  
盡務農

送郭小房觀察乞假歸田暫居京邸

墊角巾看豸繡還蘭陽譽望滿秦關兩三知己  
心皆素五十抽簪鬢未斑遠樹今朝千折坂寒  
鐘後夜六盤山孟津東指滹沱北便入燕京得

自閒

別酒慇懃會率真西風重九送歸輪登高客共  
稱高尚就養人還志養親把釣襟期多浩浩傳  
經心事及振振文淵慷慨鄉園寄莫任淹遲下  
澤春